

Evening Gojri News Bulletin 04 July 2024 at 1700 Hrs

ایوننگ گو جری نیوز بلیٹن مورخہ 04 جولائی 2024

یوہ آکا شوانی جموں ہے محمد آصف لو دہی تے محمد اکرم چودھری تیں خبر سٹو۔ پہلاں خاص خاص خبر۔

*1۔ شہنگائی تعاون تنظیم اجلاس غا موقع ور وزیر اعظم نریندرمودی نے کہیو ہے جے دہشت گردی نانہہ کسے وی قیمت ور برداشت نہیں کیو جائے گو۔

*2۔ نیتی آيوگ نے 3 مہیناں توڑی چلن آلی سمپورنتا مہم غی شروعات کی ہے۔

*3۔ لیفٹنٹ گورنر منوج سنہا نے کہیو ہے جے پائیدار تے محفوظ شہراں غی تعمیر کر غے لوکاں غی ضروریات نانہہ پورو کیو جائے۔

*4۔ دفاعی عملہ غا سربراہ انل چوبان نے کہیو ہے جے جنگ لڑن غی خاطر نوی ٹیکناجی غے ذریعے نظام مانہہ تبدیلی آرہی ہے۔ تے ہم اس تبدیلی نانہہ قبول کرن واسطے تیار ہاں۔

خبران غی تفصیل نال پہلاں محمد مبارک ماہر۔

PM Remarks SCO

وزیر اعظم نریندرمودی نے کہیو ہے جے دہشت گردی نانہہ کسے وی قیمت ور برداشت نہیں کیو جائے گو۔ اُن نے کہیو جے عالمی برادری دہشت گردی نانہہ بابدو دے غے ان نانہہ جگہ مہیا کران آلاں غو پردو فاش کرے تانجے اس بدعوت غو صفایو کیو جا سکے۔ ان گلاں غو اظہار خارجی معاملات بارے مرکزی وزیر ڈاکٹر ایس جے شنکر نے قزاقستان مانہہ جاری شہنگائی تعاون تنظیم غے دوران وزیر اعظم نریندرمودی گاحوالہ سنگ کیو۔ ڈاکٹر ایس جے شنکر نے وزیر اعظم غو حوالو دیتاں واں یوہ وی کہیو جے بنہ پار تیں ہون آلی دہشت گردی نانہہ پھیلان تے اس خاطر مالی امداد

کرن غے خلاف منہ توڑ جواب دین غی ڈاڈھی لوڑ ہے۔ اُن نے کہیو جے نوجواناں مانہہ انتہاپسندی نانہہ پھیلن ور روک لان واسطے تمام لوڑتا اقدام چایا جانا چاہیے تا نجے دہشت گردی غو مکمل خاتمو کیو جا سکے۔

PM Homage

وزیر اعظم نریندرمو دی نے اج سوامی وویکا نند نانہہ اُن غی برسی ور خراج عقیدت پیش کیو ہے جناب مو دی نے سماجی میڈیا پیغام مانہہ کہیو جے سوامی وویکا نند غی تعلیمات لکھاں لوکاں نانہہ طاقت دین تے اُن غی گہری دانشمندی اور علم غی انتہک جستجو وی بہت حوصلا افزا ہے۔ جناب مو دی نے سوامی وویکا نند غی خوشحال تے ترقی پسند معاشرہ غا خواب نانہہ پورا کرن واسطے سرکار غا عزم غو اعدو کیو۔

Modi Cricket Team

وزیر اعظم نریندرمو دی نال اج نویں دہلی مانہہ اُن غی رہا نش گاہ ور ٹی ٹوانٹی عالمی کپ جتن آلی مرداں غی کرکٹ ٹیم نے ملاقات کی۔ اس ملاقات مانہہ بھارتی کرکٹ ٹیم غا کپتان روہت شرما، کوچ راہل دریوڈ سمیت کھلاڑی ویراٹ کوہلی، ہاردک پانڈیا، سُریا کمار یا دو تے جسپریت بُمراہ وی شامل تھا۔ وزیر اعظم نریندرمو دی نے کھیڈاریاں سنگ گلپت کی تے اُن نے اپنا تجربات سانجھا کیا۔ بھارتی کرکٹ ٹیم اج سویرے نوی دہلی پُچی۔ یا درہ جے 29 جون نانہہ ٹیم انڈیا نے جنوبی افریقہ غے خلاف فائنل مانہہ ٹی 20 ٹرافی جت غے دوجوٹی ٹوانٹی عالمی کپ حاصل کیو ہے۔ اس تیں علاوہ کپتان روہت شرما اک ہوٹل مانہہ کیک کٹتا وی نظر آیا تے بھارتی شائقین ڈول، باجا تے رقص کرتا وی نظر آیا۔ کیونجے وے اپنی ٹیم غو بے صبری سنگ انتظار کر رہیا تھا۔ اس تیں بعد مذکورہ ٹیم ممبئی مانہہ فتح پریڈ واسطے روانہ ہوئی۔

NITI Campaign

نیتی آیوگ نے سمپورننا پروگرام غے تحت 3 مہیناں توڑی جا ری رہن آلی مہم غی شروعات کی ہے۔ واضع رہ جے یاہ مہم اج تیں شروع ہو غے 30 ستمبر توڑی جا ری رہ گی۔ جس غے تحت مُلک غا چُنیا گیا بلاکاں تے ضلعان مانہہ 6 ضروری مُدعاں نانہہ مکمل کرن غی خاطر جی توڑ

کوشش کی جائے گی۔ واضح رہے کہ اس پروگرام کے تحت ملک گا 112 ضلعوں سے 5 سو بلاکوں میں چھوٹی گاؤں ہیں۔ جن میں سمپورننا مہم کے تحت بیمار کالسریاں گا نیاں گا اندراج کے شرح فیصد کو پتو لان کے نال بلڈ پریشر گا مریضوں، آئی سی ڈی ایس پروگرام کے تحت بیمار کالسریاں میں کرائی جانے والی خوراک، مٹی کے برتنوں، پانی کے برتنوں، اپنی مدد آپ کرنے والے گروپ کے شرح فیصد کو پتو لان ہے۔ جنہاں میں زمین سطح اور عملاً کے اس پروگرام کے تحت فائدہ پہنچایا جائے گا۔ ذریعوں نے جانکاری دتی ہے کہ سمپورننا مہم کے تحت بلاکوں سے ضلعوں میں ہر مہینہ عملی طور پر کم کرنے والے جانکاری کے کام لیا جائے گا۔ اسے ضلع سطح کا افسر موقع کے صورتحال کو نیڑے سے جاننے لیں گا۔

Sampoorna Abhiyan Rajouri

ضلع راجوری کا خواص بلاک میں آج سمپورننا ابھیان شروع ہوا۔ ڈپٹی کمشنر راجوری اور پرنسپل نے دیگر افسروں کے ہمراہ اس تقریب کو افتتاح کیا۔ اس تقریب میں بکھ بکھ محکموں کے طرفوں سے کئی قسم کا سٹال لایا گیا۔ ڈی سی موصوف نے تمام سٹالوں کو معائنہ کیا۔ اسے افسروں میں ہدایت کی کہ ان آلا 3 مہینوں کے اندر اس بلاک کا ہر کونہ میں جانکاری دینے سے اس سکیم میں 100 فیصد نفاذ کیا جاسکے۔ ضلع راجوری میں مہاراجمانندہ شکتی پال نال گل کرتاں والے ڈپٹی کمشنر راجوری اور پرنسپل نے اس طرح کہا۔۔۔ ہاٹ۔۔۔

Budha Amarnath Yatra

ضلع ترقیاتی کمشنر پونچھ یسین محمد چودھری نے آج بڈھا امرناتھ یا ترا کے انتظامات کو جاننے لیا۔ اور ضلع افسروں سے شری بڈھا امرناتھ مندر کے انتظامیہ کمیٹی کے میٹنگ کے صدارت کی۔ میٹنگ میں یا ترا کا بکھ بکھ پہلو اور تفصیلی بحث کی گئی تاکہ یا تریاں میں آرام دہ رہا کر دیا جاسکے۔ جن کے پیڑ اس مہینہ کا درمیان میں بدھ کے امید ہے۔ پونچھ میں مہاراجمانندہ انوبھوؤ مصری سنگ گل کرتاں والے ڈپٹی کمشنر یسین محمد چودھری نے اس طرح کہا۔۔۔ ہاٹ۔۔۔

یہ خبر تم آکا شوانی جموں میں سن رہیا ہیں خبروں کا باقی حصہ نال محمد آصف لودھی۔

LG Safe Cities Conclave

جموں کشمیر غا لیفٹنٹ گورنر منوج سنہا نے ماہرین ور زور دتو بے جے وے پائیدار تے محفوظ شہراں غی تعمیر نانہہ یقینی بناویں۔ تانجے لوکاں غی ضروریات نانہہ پورو کیو جا سکے۔ اج سرینگر مانہہ کپڑ کوٹھاں تے شہری ترقیات بارے محکمہ غی اک اعلیٰ سطح کمیٹی غا اجلاس سنگ خطاب کرتاں واں اُن نے کہیو جے شہراں مانہہ مستقبل نانہہ دھیان مانہہ دکھ غے عمارتاں غی تعمیر کی جائے۔ اُن نے کہیو جے آتا وقت مانہہ موسمی تبدیلیاں نانہہ دھیان رکھ غے منصوبہ بندی کی جائے۔ واضع رہ جے دو تہاڑاں توڑی جا ری رہن آلا اس اجلاس مانہہ تمام ریا ستاں مانہہ شہری منصوبہ بندی کرن مانہہ مددگار ثابت وے گی۔ اُن نے یوہ وی کہیو جے مہارو بنیا دی مقصد پائیدار تے باحفاظت شہر غی تعمیر بے تانجے لوکاں غی آساں امید اں نانہہ پورو کیو جا سکے۔ نالے معاشی، سماجی تے موسمی للکاراں غو نمیڑو کیو جا سکے۔ اُن نے کہیو جے مہارا شہر شہریاں غا خواب پورا کرن مانہہ خاصو کردار ادا کریں۔ جناب سنہا نے یوہ وی کہیو جے شہری منصوبہ بندی پائیدار بنیا دی ڈھانچہ تعمیر کرن غی صلاحیت رکھے۔

CDS Kargil War

دفاعی عملہ غا سربراہ انیل چوبان غو کہنو بے جے جنگ لڑن غی خاطر نوی ٹیکنالوجی غے ذریعے نظام مانہہ تیزی نال تبدیلی آرہی بے۔ جس خاطر مُلک غی فوج اس تبدیلی نانہہ قبول کرن واسطے پوری طرح تیار بے۔ جناب چوبان فوجی افسراں (جے سی اوز) نال کرگل جنگ غی یاد تازہ کرتاں واں خطاب کر رہیا تھا۔ واضع رہ جے ٹائیگر ہل ٹاپ ور اج ہی غے تہاڑے یعنی 4 جولائی سن 1999 مانہہ بھارتی فوج نے قبضو کر ليو تھو۔ واضع رہ جے کرگل وجئے دیوس ہر سال 26 جولائی نانہہ منایو جا نے۔ کیونجے اس تہاڑے بھارت نے پاکستان نانہہ شکست دتی تھی۔ اس موقع ور بولتاں واں جرنل چوبان نے کہیو جے مُلک غا لوکاں نانہہ مہاری صلاحیت ور پُروسو بے اور یاہ ہی وجہ بے جے ہم مُلک غی خاطر دلیری نال کم کر رہیا ہیں۔ اُن نے کہیو جے اپنا مُلک غی راکھی مہاری ذمہ داری بے۔ اور مُلک غی عوام غو بھروسو فوج ور قائم رہنو لوڑے۔ اپنا خطاب غے دوران دفاعی عملہ بارے سربراہ نے کرگل جنگ غے دوران شہید ہوا فوجی جواناں غا بچاں، بیویاں تے اُن گا والدین نانہہ دلی مبارکباد کی بے۔ اُن نے کہیو جے اس ویلے دُنیا نوی ٹیکنالوجی آلے پاسے آگے بدھ رہی بے تے اس خاطر مہاری فوج نانہہ وی نوی طاقت، نوی سوچ تے نوا جذبہ نال کم کرن غی لوڑ بے۔

Lemon Grass Reasi

ابتدایہ طور پر فصلان نانہہ نقصان پجان آلا بندراں نانہہ نسان واسطے لیمن گراس جس نانہہ دوائی وغیرہ بنان مانہہ استعمال کیو جائے اُس غی کاشت شروع کی ہے۔ جس نے آخرکار ضلع ریاسی گا کسانان نانہہ آتم نربہر بنانو شروع کیو ہے۔ لیمن گراس اک قسم غا نایاب جنگلی بوٹا ہیں جس تیں علاج کیو جائے۔ یوہ سلسلو نہ صرف ضلع ریاسی مانہہ استعمال کیو جائے بلکہ پورا جموں کشمیر مانہہ بوٹاں غی اس نایاب نسل غی گل بات کی جائے۔ کیونجے ہُن کسان آسانی سنگ اپنی فصل تیں فائدو حاصل کر سکیں۔ اس سلسلہ مانہہ مہارا ریاسی ضلع نامہ نگار دویندر ٹھاکر نال گل کرتاں واں اک مقامی کسان نے اس طرح کہیو۔۔۔ بانٹ۔۔۔

Jaishanker China FM

وزیر خارجہ ڈاکٹر ایس جئے شنکر نے اج آستانہ مانہہ اپنا ہم منصب وانگ یی سنگ ملاقات کی۔ انہاں نے سرحدی علاقان غا ماندہ مسائل نانہہ جلدی نمیژن بارے تبادلہ خیال کیو۔ فریقین نے سفارتی سطح پر کوششاں نانہہ دُگنو کرن پر اتفاق کیو۔ ڈاکٹر جئے شنکر نے اصل قبضہ لکیر غا حوالہ سنگ کہیو کہ سرحدی علاقان مانہہ امن، سکون یقینی بنانو بہت ضروری ہے۔ ڈاکٹر جئے شنکر نے مزید کہیو جے بابھی احترام، بابھی حساسیت تے، بابھی دلچسپی بھارت تے چین غا دو طرفہ تعلقات غی رہنمائی کرے گی۔

Rajnath Army Agniveer

دفاع بارے مرکزی وزیر راجناتھ سنگھ نے کہیو ہے کہ بھارتی فوج اگنی ویر جوانان غی بھلائی بہتری غی وعدہ بند ہے۔ اگنی ویر فوجی جوان اجے کمار غی حالیہ شہادت تیں بعد اُن غا کُنہہ نانہہ معاوضو نہ دتا جان بارے سماجی میڈیا پر شائع ہوئی خبراں غو ذکر کرتاں واں جناب سنگھ نے کہیو جے بھارتی فوج اپنا فرانس غی آدائیگی غے دوران جان غی قربانی دین آلا اگنی ویر اجے کمار نانہہ سلام پیش کرے۔ واضع رہ جے اجے کمار غی آخری رسومات پورا فوجی اعزاز غے نال ادا کی گئی ہیں۔ اُن نے کہیو جے شہید ہوا اگنی ویر غا کُنہہ نانہہ 98 لکھ 39 ہزار روپیاں غی مالی مدد پہلاں ہی تیں ادا کر دتی گئی ہیں۔ اس موقع پر بولتاں واں جناب سنگھ نے یوہ وی کہیو جے اگنی ویر سکیم غا فائدہ قانون غے تحت 67 لکھ روپیہ

ایکس گریشیا رلیف وی محکمہ پولیس غی طرفوں تمام قانونی لوازمات پورا کرن توں بعد ادا کر دتی جائے گی۔ تے کل ملا غے یاہ رقم اک کروڑ 65 لکھ روپیہ وے گی۔

اس غے نال ہی خبراں غو یوہ بلیٹن ختم ہوؤ۔